



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA UGOVOR O POKLONU
FOTOGRAFIJA AUTORA MUHAMEDA MUJKIĆA
MASOVNE GROBNICE U BOSNI I HERCEGOVINI
(Prijedlog)

Predlagač: Gradonačelnica
Obrađivač: Informativni centar Sarajevo

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**ODLUKU
O DAVANJU SAGLASNOSTI NA UGOVOR O POKLONU
FOTOGRAFIJA AUTORA MUHAMEDA MUJKIĆA
MASOVNE GROBNICE U BOSNI I HERCEGOVINI**

Član 1.

(Predmet Odluke)

Gradsko vijeće Grada Sarajeva daje saglasnost na tekst Ugovora o poklonu fotografija autora Muhameda Mujkića masovne grobnice u Bosni i Hercegovini.

Član 2.

(Ovlaštenje za potpisivanje Ugovora)

Gradsko vijeće Grada Sarajeva daje ovlaštenje gradonačelnici Grada Sarajeva da, u ime i za račun Grada Sarajeva, potpiše Ugovor o poklonu fotografija autora Muhameda Mujkića masovne grobnice u Bosni i Hercegovini, čiji je tekst sastavni dio ove odluke.

Član 3.

(Stupanje na snagu Odluke)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbi člana 31. Statuta Grada Sarajeva („Službene novine Kantona Sarajevo”, broj 7/23) kojim je propisano da Gradsko Vijeće Grada Sarajevo donosi odluke, druge propise i opće akte i daje njihovo tumačenje, te je nadležno za upravljanje i raspolaganje imovinom Grada Sarajeva. Pravni osnov je sadržan i u članu 76. Statuta Grada Sarajeva kojim je propisano da imovinu Grada Sarajeva čine pokretna i nepokretna imovina, da je nosilac prava raspolaganja imovinom Grada Sarajeva Gradsko Vijeće Grada Sarajeva, te da imovinom Grada Sarajeva upravlja Gradsko Vijeće Grada Sarajeva, u skladu sa zakonom i drugim propisima, te u interesu lokalnog stanovništva s pažnjom dobrog domaćina.

RAZLOZI DONOŠENJA

G. Muhamed Mujkić, autor i vlasnik 37 uramljenih fotografija masovnih grobnica u Bosni i Hercegovini, od kojih je 32 u koloru i 5 crno-bijelih, obratio se Gradu Sarajevu sa pismom namjere u kojem je izrazio želju da pomenute fotografije pokloni, odnosno ustupi na trajno korištenje. Uz pismo namjere, dostavljene su specifikacije o fotografijama uz molbu da se dvije crno-bijele fotografije izlože u muzejskom djelu Informativnog centra Sarajevo unutar trajne izložbene postavke „Prikaz rada i doprinosa Međunarodnog krivičnog suda za bivšu Jugoslaviju (MKSJ)“. Procijenjena tržišna vrijednost 37 uramljenih fotografija iznosi 5.000,00 KM.

Fotografije dokumentuju trenutke i situacije sa mjesta pronalaženja, ekshumacije i identifikacije nestalih osoba iz masovnih grobnica u Bosni i Hercegovini. Na Međunarodnom krivičnom sudu nadležnom za krivični progon i vođenje sudskih postupaka protiv počinioaca, ratni zločini definirani su Statutom suda, a obuhvaćaju djela teške povrede Ženevske konvencije i pripadajućih Protokola, kršenje zakona i običaja ratovanja, genocid i zločine protiv čovječnosti. Težina ovakvih vrsta zločina zahtijevala je uključivanje multidisciplinarnih forenzičnih timova za otkrivanje, iskopavanje i ekshumiranje masovnih grobnica, dokumentiranje neospornih materijalnih dokaza, kao i utemeljenost utvrđivanja i procesuiranja odgovornih te vraćanja dostojanstva preminulima utvrđivanjem njihova identiteta. U sklopu ustupanja fotografija Gradu, bit će organizovan i panel unutar pomenutog projekta, gdje će se prezentovati način na koji su forenzička analiza istraživanja i dokumentovanje utemeljeni na naučnim dokazima, što je doprinijelo da se počinjeni zločini smjeste u historijski kontekst. Unutar pomenutog panela, učešće će uzeti eminentni stručnjaci, timovi istražitelja, stručnih eksperata, forenzičkih antropologa koji su radili na otkrivanju, ekshumaciji i identifikaciji posmrtnih ostataka.

FINANSIJSKA SREDSTVA

Za realizaciju ove odluke nisu potrebna finansijska sredstva.

UGOVOR
o poklonu fotografija autora Muhameda Mujkića
masovne grobnice u Bosni i Hercegovini

Zaključen između ugovornih strana:

1. **Muhamed Mujkić**, ulica Grbavička 12b, Sarajevo, JMBG: 1509959172696 (u daljnjem tekstu: Poklonodavac)
2. **GRAD SARAJEVO**, ulica Hamdije Kreševljakovića 3, Sarajevo, kojeg zastupa gradonačelnica Grada Sarajeva prof. dr. Benjamina Karić (u daljnjem tekstu: Poklonoprimac)

Član 1.

Predmet ovog ugovora je poklon 37 uramljenih fotografija koje dokumentuju trenutke i situacije sa mjesta pronalaženja, ekshumacije i identifikacije nestalih osoba iz masovnih grobnica u Bosni i Hercegovini, a u skladu sa Odukom Gradskog vijeća Grada Sarajeva o davanju saglasnosti na Ugovor o poklonu fotografija autora Muhameda Mujkića masovne grobnice u Bosni i Hercegovini broj: ... i datum __.__.____. godine („Službene novine Kantona Sarajevo, broj ...)

Član 2.

Poklonodavac je autor i vlasnik 37 uramljenih fotografija, od kojih je 32 u koloru i 5 crno-bijelih, sadržani u specifikaciji koja se nalazi u prilogu Ugovora i čini sastavni dio istog, a koje kao izraz prijateljstva i dobre saradnje, bez ikakve naknade ili tereta, poklanja Poklonoprimcu.

Član 3.

Poklonoprimac prihvata predmet ugovora iz člana 2. ovog ugovora i saglasan je da od Poklonodavca primi u vlasništvo i posjed predmetne fotografije po osnovu poklona, te iste evidentira u svojoj popisnoj evidenciji.

O izvršenoj primopredaji bit će sačinjen poseban zapisnik putem ovlaštene službene osobe Informativnog centra Sarajevo.

Član 4.

Predmetne uramljene fotografije bit će smještene u prostoru Informativnog centra Sarajevo koji se nalazi u objektu Gradske Vijećnice.

Član 5.

Eventualne troškove u vezi zaključenja ovog ugovora i prijenosa prava vlasništva 37 uramljenih fotografija snosi Poklonoprimac.

Član 6.

Predmetni Ugovor je izraz slobodne volje ugovornih strana, sačinjen u skladu sa Odlukom iz člana 1. ovog ugovora i iskazanim potrebama Grada Sarajeva.

Ugovor je sačinjen u obostranom interesu, bez prevarnih radnji, prinude, prijetnje i zablude pa ga kao takvog ugovorne strane saglasno potpisuju.

Član 7.

Na odnose između ugovornih strana koji nisu regulisani ovim ugovorom, primjenjuju se odredbe Zakona o obligacionim odnosima.

Član 8.

U slučaju spora po ovom ugovoru, ugovorne strane nastojat će isti sporazumno riješiti, u protivnom saglasne su da prihvataju nadležnost suda u Sarajevu.

Član 9.

Ovaj ugovor stupa na snagu danom potpisivanja obje ugovorne strane.

Član 10.

Ugovor je sačinjen u četiri (4) istovjetna primjerka, od kojih Poklonoprimac zadržava tri (3), a Poklonodavac jedan (1).

POKLONODAVAC

Muhamed Mujkić

Sarajevo,

**POKLONOPRIMAC
GRAD SARAJEVO**

Prof. dr. Benjamina Karić

Broj:
Sarajevo,